



續皇朝史略
一

共

リ 5
8888
1



門 75
號 8888
卷 1

續皇朝史略序
延于嘗著皇朝史略故黃門鼎山公賜
以序且命刊行之及編續史略公又命
刊行焉時延于攷訂國史局務鞅掌未遑
進呈會公即世延于歸國解職多暇乃
攷訂舊稿實始得卒業上起應永下迄慶
長百八十年間治亂興廢存亡成敗之所
係莫不志錄蓋應仁已後于戈相踵諸侯
相并攻伐無已降至天文英雄並起鬪智

角力迭為雄長，足利氏失政而織田氏興，織田氏亡而豐臣氏興，原其所以興，知其所以亡，蓋其興也，非有積德累仁之基，恃其富彊之勢，并弱暴寡，詐力是尚，窮兵黷武，終至於亡。唯我神祖東照公，以聰明英武之姿，起自叅河，積德累仁，卒能戡定禍亂，統一天下，尊

皇室，懷諸侯，興文學，厚人倫，其所以施設者，莫非宣布德教，維持人心，而鞏固基業者。

斯其所以開數百年之太平，德化愈久而愈盛也。夫應仁以後，

天子徒擁虛器，國祚不絕，如綫，逮至慶長，

聖祚中興，我神祖所以扶翼

皇室，其功可謂偉矣。是書之絕筆于斯，讀者可以知微意之所在焉。嗟乎！治亂有數，雖曰天運，抑亦人力也。後之為人君者，其可不思祖業之艱難，而聿脩厥德哉！長子延光奉先公遺志，刻諸家塾，及刻成，遂序

以授之
天保辛卯冬十月水藩青山延子謹撰



續皇朝史略卷之一

水府史臣青山延子著



延光校

稱光天皇諱實仁初諱躬仁後小松帝長子也母光範

門院續神皇正統記應永十八年為親王十九年八月

受禪時年十二紹運錄仍用應永號續正統記是歲大將軍

源義持以細川滿元為管領尊卑分脈二十年春正月朔

日有食之既薩戒記初關東管領足利滿兼卒子持氏

嗣上杉氏憲秉權柄喜連川鑑持氏為人暗劣無將帥之

略將士頗不服湘山星錄集夏四月伊達大膳子松

錄倉大草子

大丸與懸田定勝起兵睦與據大佛城持氏遣畠山滿泰擊之相持數月城中糧竭松大丸等棄城遁喜連川判鑑

○二十一年春正月丙子朔日有食之○三月熱田社

火皇代略記○冬十二月行即位禮於太政官廳皇代略記

○二十二年夏六月京師大風雨雹天寒如冬文正

略記皇代○二十三年秋七月土御門烏丸火延燒上皇

宮皇代略記○初上杉憲顯為鎌倉執事子孫世秉權柄憲

顯之姪朝宗亦補執權由是二族尤彊盛判鑑至持氏時

朝宗子氏憲相踵執權而憲顯之曾孫憲基與氏憲爭

權不相能而持氏陰右憲基氏憲常懷憤色湘山星會移集

持氏以讒奪越幡六郎邑氏憲為申理之不聽氏憲因請罷職乃以憲基代之氏憲益不平持氏叔父滿隆嘗子養持氏弟持仲氏憲因說滿隆廢持氏立持仲滿隆大喜遂與謀叛氏憲陽稱疾不出潛集兵士滿隆移檄諸國詐稱受京師令討持氏由是諸國將士響應冬十月滿隆遂舉兵據寶壽院氏憲將眾入襲持氏持氏方醉卧木戶滿範聞亂遽入告之持氏驚起倉黃跨馬而出從兵僅五百後間道走佐介與憲基合兵拒守氏憲來攻因風縱火持氏敗走駿河依大森憲賴既而又依國司今川範政圖復鎌倉初持氏之走也憲基滿範等

氏

不知其所在以謂奔于伊豆遂收散兵赴之州人狩野
介應氏憲率兵圍之滿範死之憲基遂走越後大草○
十一月榮仁親王薨家彌有栖川崇光皇子也錄○
十二月氏憲子憲盛憲盛本書及禪秀記並作擁持仲
出略武藏州人江戸豐島二階堂等拒戰敗之憲盛引
還會今川範政乞援京師源義持命山名時熙時熙據
討持仲範政將兵進屯三島○二十四年春正月滿隆
氏憲出屯武藏擊江戸豐島破之會範政軍至小田原
東兵望風景附氏憲窘迫還鎌倉與其子憲盛憲春快
尊氏春等自盡而死滿隆持仲亦自殺持氏還鎌倉復

憲春恐憲基誤

以憲春為執事論功行賞封大森憲賴於小田原○夏
五月氏憲餘黨岩松治部大輔起兵上野舞木宮內丞
擊擒之送於鎌倉斬之瀧口○二十五年春正月大將
軍源義持殺弟義嗣初義滿鍾愛義嗣欲命義持讓職
累官至大納言大納言據補任會義滿薨不得嗣職怏怏不樂
及氏憲構亂潛與之通謀既而事泄亡命為僧義持遣
人索捕幽之於林光院至是殺之本草子亡命為僧據椿葉記○氏
憲餘黨在上總踰本一揆屢請赦罪持氏不聽遂聚兵
而叛夏五月持氏遣一色左近將監擊之未戰而潰去
鑑判○六月初後小松帝時筑紫商賈肥當歸自明陳兩

富

國通信之利於是義滿以肥富為使始通信書明主九
炊使僧天倫來終義滿之世聘使往來不絕善隣國至
是明主世祖也本書使其臣呂淵來請通好不許和漢

○冬十一月關白經嗣薨○十二月以右大臣藤原滿
教為關白公卿補任○是歲義持以澁川義俊為鎮西探題

將軍執○二十六年春正月上總本一揆又起足利持
氏遣木戶內匠助擊之三月戰于上總夏五月其將榛

谷重氏降斬之由比濱鑑判○六月高麗戰艦千三百餘
艘寇對馬九州兵與之戰敗秋七月又戰却之賊艦沒

海死者無算皇代略記天地根元圖文正年代記○按

麗今○九月義持請罷內大臣聽之紀自七月至是月

關東大雨水○冬十月關東大風拔木發屋地大震鑑判

○十一月北山院崩皇紀是歲明使又來義持使僧西堂
諭之曰曩者我先君惑肥富之言猥通外國自後神人

不和雨暘失序先君亦尋即世遺命誓諸神祇永絕外
國之通問去歲既諭以此意今有使而至蓋前諭未達

也又責以海島小民數侵邊圉是實我所不知也當命
沿海之吏禁止之使者又請見義持辭曰夫隣國通好

安邊利民非不欲也然而寡人所以不肯接使臣者抑
亦有說焉先君得病卜之曰諸神降譴以故虔恭精禱

神又憑人曰我國自古已來未嘗稱臣外國比者違前
聖之制受封爵而弗却所以致疾也於是先君大懼誓
於明神以無受外國使命使子孫固守遺命其後行人
又至宣人未以前言諭使臣故不得已而見之及使臣
歸使僧堅中為諭此意不知未達乎去歲使人又來亦
使僧等特諭之使臣歸國胡不以此意達爾主乎往者
元兵百萬來寇溺死海上豈直人力哉蓋亦神助矣今
聞將以使命不通為辭用兵來伐使我高深城池我不
要高城深池除道而待之而已來書又云使臣至國拘
留殺戮聽其所為噫是何言也吾只要彼此不往來各

保封疆民至老死而不相知不亦可乎善隣國實記○關東

大饑鑑判○二十七年春閏正月以左大臣藤原公俊為

太政大臣○三月公俊罷補任○秋九月義持疾或謂醫

高天為咒詛義持遣人捕繫之獄又收陰陽助定棟關姓

冬十月義持流高天於讚岐康富是歲旱琵琶湖淀河

涸文正年大饑米斗直千錢元地根○二十八年秋七

月義持罷管領細川滿元八月復以畠山滿家為管領

花營三代記○是歲旱飢疫餓莩相望日載死屍棄之

堆積成丘略記文正年代○二十九年秋七月後龜山

上皇崩于嵯峨薩戒記目錄按和漢合有子曰小倉宮

諸門跡譜○八月常陸人小栗滿重據小栗城本書作結城誤今據鎌倉

大草子訂之叛足利持氏宇都宮持綱挑井宣義宣義據源氏系圖

及佐佐木岩松等諸族皆應之持氏遣上杉重方攻之

相持數月○冬閏十月佐竹常元叛持氏遣上杉房實

擊之常元父子走比企谷自殺○初上杉氏憲之死也

子憲秋教朝逃往京師事義持是歲來侵關東焚治津

三島多殺持氏部下而去鑑判○三十年春二月源義持

奏請罷征夷大將軍以子右近衛中將義量任之詔聽

之義持剃髮誦道詮足利家傳○三月地屢震○夏五月足

利持氏自將擊小栗滿重滿重敗走本書作敗死今從大草子持氏

旋師向宇都宮持綱亡走捕而斬之佐々木桃井等亦

被虜斬鑑判初滿重之亡也走叅河其子助重走相摸適

有偷盜數輩利其囊橐謀殺之邀飲倡家使妓勸酒實

毒焉有一妓知其謀密告之助重佯為飲酒覆之潛出

而逃時偷盜竊鞍馬蹉齧不能騎繫之林中助重善馭

遂騎走叅河後過其地大賞妓女悉捕偷盜殺之大草子助

重據小栗文書○秋八月持氏還鎌倉鑑判○冬十二月地屢震

文正年代記○三十一年夏四月關白滿教罷以左大臣藤

原持基為關白補任○足利持氏憾義持釋憲秋教朝罪

寢成嫌隙義持遣僧昭西堂於鎌倉行成持氏不報秋

九月又遣昭西堂諭以黜憲秋教朝持氏意解遣使京
師謝之判鑑花營○是歲飢疫人多死文正年○三十
二年春二月上皇第二子小川宮薨上之母弟也以上
無子將立為儲嗣至是暴薨衆咸惜之未名追稱龍樹
寺宮○征夷大將軍源義暲卒年十九○夏四月右近
衛權中將藤原實雅坐與宮人藤原氏女褻官藤原氏
日野有光之女也稱大納言典侍為帝所寵實雅得罪
無證驗人以為寃薩戒○以榮仁親王子貞成為親王
初榮仁薨長子治仁居伏見殿亡何又薨無嗣弟貞成
紹封至是上皇欲修後圓融院之冥福親書佛經使諸

親王助書之貞成亦與焉及記名請上皇曰臣無官不
足記也上皇乃宣為親王椿葉帝不懌遂憾上皇會帝
將名琵琶法師於宮中上皇止之帝大憤恚奉書上皇
將遜位義持入諫之薩戒帝意未解上皇密諭貞成薙
髮椿葉○閏月乙酉將軍塚鳴動○秋七月帝弗豫上
所生從二位藤原氏號曰光範門院○八月帝疾亟暨
絕上皇與公卿議喪事及後嗣項之帝復蘇○右近衛
中將源有定本書姓關家士金河式部詣關告宮女三
條咒詛帝令大駭捕之鞫問不服三條為內侍所刀子
官也刀子女承小倉宮旨有禱於內侍所有司詰問獲其書

而非咒詛也。廷議以式部欺罔朝廷，宜誅。獨上皇以謂南朝皇族潛圖非冀，宜誅三條以絕覬覦。薩戒記 ○甲斐人武田信長叛持氏，初上杉氏憲之亂，武田信滿、千葉無胤以其姻戚，並據其封邑。叛持氏，持氏遣上杉憲宗攻之。無胤出降，信滿據都留郡，距戰踰歲不克而死焉。子信重與叔父信元亡命為僧，匿于高野山。至是，信長招集義故，據西郡，攻逸見，有直破之。持氏遣上杉房實攻之，屢戰不利。信長，信重之弟也。大草子房實據判鑑 ○冬十月，初上皇在位日久，禁中庶務多復舊制，及帝嗣位，朝務盡廢。至是，上皇與朝臣語及之，歎息良久。薩戒記 ○三十

三年夏六月，持氏遣一色持宗擊信長，不利。持氏自將擊之。信長逆戰于猿橋，會武藏七黨兵繼至，信長遂敗。秋八月，信長出降，以歸鎌倉。持氏欲以逸見，有直為甲州守護，請之京師，義持不允。召信元為守護，任陸奥守。大草子 ○三十四年秋八月，河內上綠毛龜。文正年 ○初赤松滿祐世為播磨美作備前守護，其族持貞嬖於義持。義持遂以滿祐所領三州授之。滿祐無故失封，意甚不平。冬十月，本書不保年月，今據如是院年代記 滿祐遂火其第宅，還播磨。義持怒欲討之，諸將素惡持貞驕恣，多黨滿祐。為分疏之，義持不得已，賜死持貞，釋滿祐。滿祐還京師，薙髮。

稱性具滿祐則祐之孫也赤松系圖○按文正年○初

帝不豫禱於加茂石清水代記係三十五年誤也既而疾愈至是欲幸兩社賽

宿禰會有亂而止薩戒記○正長元年春正月前征夷

大將軍源義持薨年四十二贈大政大臣足利初義持

以義量死無嗣而諸弟皆為僧約以持氏為嗣至是管

領畠山滿家等忌持氏難制更議所立依違不決詣石

清水社探籌遂奉僧義圓立之義圓還俗名義宣後更

義教持氏由是意懷不平遂與義教有隙判○夏五月

持氏欲舉兵擊義教執事上杉憲實諫止之建內記執

憲實憲基之子也鑑判○是歲義教罷管領畠山滿家復

以斯波義淳為管領尊卑分脈○帝久疾而無嗣薩戒上皇

簡所立僧宗純奏曰彥仁王宜繼大統一休年譜迺上和歌

有求嗣於伏見之語以寓其意荒木氏所上皇意乃決

告之義教秋七月義教遣管領斯波義淳兵數百人於

伏見殿迎貞成親王子彥仁入宮椿葉記上皇養為子薩

錄目初家純母入上皇宮有姪既而遭讒出宮遂生宗

純於民家自少為僧才識絕人上皇屢召入宮進對稱

旨遂定皇嗣一休年譜○帝崩壽二十八在位十五年改元

者一曰正長如是院皇弟立是為後花園天皇

後花園天皇諱彥仁崇光帝之曾孫也母源幸子後

數改

院門至是踐祚年十歲如是院年代記○八月伊勢國司北畠滿

雅反椿葉記初義滿之主和議也後龜山帝約以兩統迭

立續正統記以故小倉宮常懷覬覦欲乘先帝有疾作亂使

人詐稱鎌倉使給滿雅曰我當與卿奉小倉宮舉兵滿

雅許諾既而事泄使者逃亡至是滿雅遂反義教令土

政持賴討之薩戒記持賴據北畠系圖按椿葉記作冬

十二月持賴破滿雅斬之送首京師小倉宮來降赦居

嵯峨椿葉記滿雅親房之曾孫也源氏系圖○是歲義教以滋

川滿直為鎮西探題滿直義俊之從兄也滋川系圖○永享

元年春正月戊申朔停四方拜以帝尚幼也○是月播

磨賊徒蜂起陷郡邑國中騷擾義教使守護赤松滿祐

就國討之薩戒記○三月源義教為征夷大將軍任權大

納言足利家傳○秋九月義教捕捕光正殺之光正稱五郎

左衛門削髮稱常泉潛匿南都會義教至南都光正欲

伺間狙擊至是被收臨刑從容作詩歌觀者歎惜看間御記

○冬十二月即位於太政官廳椿葉記○二年春三月多

武峰僧奪國人小川弘氏邑遂構釁障多武峰僧率大

象攻弘氏義教命罷兵僧徒不奉命建內記○三年春三

月上皇薙髮椿葉記皇代略記○秋七月高麗獻小人國人一

人於大將軍義教可長一尺五寸看間御記○四年秋七月

以攝政持基為大政大臣源義教為內大臣○八月持
基罷攝政以左大臣藤原兼良攝政尋罷左大臣源義
教為左大臣○冬十月攝政兼良罷復以持基攝政公卿
補○十一月義教遣山名赤松等諸將攻多武峰永祿
年○是歲義教罷管領斯波義淳以細川持之為管領
尊卑義教遣使于明分脈主遣內官雷春等報聘善隣
外史氏曰義持遵奉遺命絕明通聘辭義嚴正有足
稱者也而義教又遣使通聘不啻負其父遺命寔失
國體其後義政效尤早屈稱臣抑又甚焉
○五年春正月高麗來聘薩戒○二月持基罷大政大

文 閱

臣○三月罷持基攝政為關白補○夏六月延曆寺僧
徒奉日吉神輿入京義教令諸將禦之永祿年○秋八
月義教命大內持世擊太宰少貳名持世斬少貳父子
送首京師梟之六條河原女正年代記今從東寺過去帳○彗星
見西方薩戒○九月鎌倉地大震山崩地裂喜連川
冬十月後小松法皇崩椿葉○十二月義教出兵志賀
攻延曆寺文永祿年代記○六年春正月探題淡川滿直
及太宰少貳名戰于肥前敗死淡川○夏六月明主瞻
基遣使來聘薩戒記看贈銅錢三十萬緒於源義教看
御記○盜殺前中納言藤原義資事法皇用事院中

聞 閱

及帝即位、坐事屏居、至是遇害。○冬十月、延曆寺僧徒奉日吉神輿入京師、義教遣兵防之、僧徒棄神輿於坂本而去。○十二月、地屢震。薩戒記○義教又攻延曆寺。正文年代是歲、義教遣使于明。善隣國實記○七年春二月、捕延曆寺僧乘蓮以下數人、斬之、六條河原、餘黨縱火中堂自殺。文正年○八年、信濃守護小笠原政康與村上安藝守。本書作中務大爭封疆、遂至相鬪。判鑑結城義教輔、今據薩戒記。遣兵討村上。薩戒記、文正年代記。持氏以村上屬關東、乃將遣兵援之、執事上於憲實、諫曰：「守護將軍所置而欲擊之、此叛將軍也、不納。」○九年春三月、義教遣細川成之、土政

持賴、一色義範、武田信榮、伊勢人長野等。名攻多武峰。永祿年代記、土岐持賴以下諸將、據劫濁發心集。○夏六月、持氏命上於憲直、擊小笠原政康、鑰倉流言、持氏令憲直討憲實、憲實家兵聞之來集、中外洶々、持氏乃往憲實家諭之、令憲直父子屏居藤澤、又以一色直兼毀短、憲實逐之、時憲實家臣大石憲重、長尾景仲、並貴寵用事、持氏惡其構亂、令黜之、憲實不聽。秋七月、憲實潛遣子龜若於上野、八月、持氏又往憲實家、慰諭之、憲實復視事。判鑑結城戰場記○是月、山名刑部少輔侵備後、陷國府城、守護兵攻刑部少輔、斬之、送首京師、楠氏族起兵河內、守護兵破斬之。

薩戒記

○冬十月行幸義教第留飲六日極歡而還略記○

十年夏五月初一色義範妻有姿色及義範于彼妻居堀川第至是義教遣人召之妻輿中自殺義教恐義範聞之遽令武田信榮殺義範信榮乃給義範曰將軍有所賜請來飲義範乃去衛從纔與親近十餘人至其營坐定伏發義範自殺從士皆奮鬪而死土岐持賴素為義教所忌令長野圖之長野將兵襲三輪營持賴身長八尺膂力絕人擐重鎧手太刀與壯士二十餘人闔門衝盪手斃勁兵九人長野兵披靡不進乃還營與從士飲訣自盡而死義教分持賴義範領國賜魯河於細川

榮

郎

成之伊勢丹後於一色義遠義遠本書為五若狹於信

榮信榮之殺義範也被重創無何而死劫濁發心略記

文正年代記永祿年代記並係十二年然是月大和人

越智箸尾攻多武峰拔之文正年代記遂焚堂舍義教連歲

用兵大和至是始平永祿年代記○六月初持氏為義持所

子養已得重器文書及義教立快不得志至

是將加冠其子賢王曰天下無冠吾兒之人宜循曩祖

義家之故事加冠於八幡祠上松憲實諫曰宜遣使京

師請名將府持氏不聽遂冠賢王於鶴岡社名曰義久

託慶冠禮徵兵諸國召還上松憲直一色直兼兼倉傳

言持氏謀回憲實入賀殺之。憲實懼稱疾不出。秋八月，長尾芳傳等主講和，千葉胤直上杉持朝亦諫罷兵。持氏不納。憲實歎曰：我何罪欲必殺之，唯自殺可以明志耳。乃抽刀欲自殺。衆趣持奪之。長尾實景、大石重仲勸憲實使就國。且曰：君欲死則死，吾屬不徒死。憲實久之曰：卿等苟如此，死亦無益也。寧不免遺臭於後世乎。遂奔上野。

外史氏曰：方上杉憲實之諫持氏也，君臣之際嫌隙稱生，及其釁端已啓，欲自殺以明其志，何其烈也。然原其終始所為，權謀詭計，有不可掩者矣。蓋其稱兵

抗君，恐其臣之叛已，陽為窘迫就死之態，以激勵其臣而已。不然匹夫匹婦猶能引決，憲實而不能死乎。足以知其伏刃之非本志也。此豈古人所謂欲蓋彌彰者歟。

持氏兵要之於雷坂，衆欲戰。憲實不可。持氏兵亦見憲實兵多，不敢逼。持氏遣一色直兼一色時家擊憲實。自將兵出武藏陣高安寺，留三浦時高守鎌倉。義教奏請賜錦旗討持氏，詔許之。乃使上杉持房擁錦旗東征。九月，持房分兵為二：一自菅根進，大森憲賴扼險隘。距戰破之。一自足柄進，入早川尻上杉憲直逆戰，敗走。既而

險

憲賴兵亦敗持氏退還海老名持房進陣高麗寺持氏使木戶持季拒之三浦時高叛持氏棄鎌倉還三浦千葉胤直亦叛一色直兼等孤軍不能進亦引還海老名冬十月時高兵入焚鎌倉憲實出陣分倍十一月時高攻大藏義久奔扇谷持氏引還鎌倉遇長尾芳傳於蒼原衆皆欲戰持氏使人謂之曰汝等世為我臣僕而負恩謀逆上天其無罰乎芳傳下馬跪曰臣等不敢為逆直欲除讒臣耳持氏曰吾當誅憲直等芳傳大喜俱往永安寺時高兵梗路芳傳叱之使解去持氏移居金澤稱名寺別髮曰道繼芳傳攻憲直直兼二人與其子相

刺而死餘黨皆死持氏還永安寺持朝胤直防衛之憲

實遣使京師請宥持氏

結城戰場記

○是歲權中納言藤原

雅世上新續古今和歌集二十卷延喜中勅紀貫之紀

友則等撰古今集自後歷朝天子世有勅撰至新續古

今集凡二十一部

拾芥抄

是為二十一代集

宣胤記

○十一

年春二月義教遣相國寺僧於關東命憲實殺持氏憲

實請令義久罷職義教不聽

建內記

於是持朝胤直率兵

圍永安寺持氏及叔父滿定自殺從士皆鬪死

結城戰場記

義久自盡於憲實家年十一

東寺過去帳按判鑑結城戰場記去年十一月義久

自殺於報國寺今繼本書

○彗星見北方

建內記

○三月上杉憲實召

弟清方於越後嚴已職剔髮彌長棟夏六月憲實詣長
春院拜持氏影垂泣曰臣無佗心天實鑑之乃挺刀刺
腹為其臣所持不果與而還家既而創愈遁藤澤結城戰場
記○夏六月初義教弟義昭為大覺寺僧正諸門逆譜足利系圖
至是還俗更名義有出逃義教命伊勢國司北畠持康
索捕之不獲建內記還俗更名據薩戒○是歲朝鮮王
李禔遣使來聘善隣國寶記○十二年春正月一色伊豫守
起兵今泉長尾憲景太田資光攻一色破走之舞木持
廣應一色長尾芳傳誘殺之結城戰場初持氏之死也其
二子春王安王逃二荒山判鑑至是結城氏朝遣子光久

迎之聚兵據城又令野田右馬助據古河以為聲援上
杉清方遣武藏國司固廳鼻性順固廳鼻上及長尾景
仲等攻之時上野諸將新田中佐野等所在蜂起亦
應氏朝夏五月清方持朝將兵擊氏朝憲實還山内出
屯神奈川經略軍事○秋七月清方將諸國兵圍結城
城時東國諸將小山宇都宮里見桃井等與氏朝勦力
拒守清方乃穿重塹以絕甬道樹鹿角造井樓肉薄攻
之不能拔既而山川氏義出降氏義氏朝之弟也由是
士氣頗沮結城戰場○嘉吉元年春三月義教聞義昭在
櫛間令島津忠國殺之文正年代記本書不載島津名今據系圖忠國遣其

臣樺山名率兵襲之義昭自殺諸門○夏四月戊申夜有盜入春興殿竊內侍所鈴及宮人衣服弃鈴月花門而去近歲偷盜屢入禁內而宿衛廢闕不能捕獲因命諸門嚴警衛建內○上於清方督諸軍攻結城會暴風火起煙燭漲空城兵驚擾諸軍乘之奮擊氏朝光久及里見家基一色宇都宮挑井諸將皆死之春王安王就執結城戰初持氏之死也春王弟永壽王年五歲瑞泉寺僧昌在懷之而逃潛匿信濃依大井持光及氏朝起兵持光送之結城至是被執大草清方函送氏朝已下首於京師梟之六條河原結城戰五月長尾因幡

守護送春王安王及永壽王至美濃垂井義教命殺春王安王於金蓮寺春王年十三安王年十一獨永壽王以幼得免判鑑結城戰○六月赤松滿祐弒大將軍源義教初赤松則村有功於尊氏子貞範則祐皆食大國至義教時則祐孫滿祐威權尤盛而貞範族頗衰及貞範曾孫貞村得寵義教義教以其嫡女欲授以滿祐領國以為前將軍舍嫡而寵庶甚無謂也遂賜書貞村授以播備美三州滿祐子教康以告滿祐忿遂共謀逆應仁外記威權尤盛據戰場記滿祐因稱病不出會鎌倉平諸將饗義教於其家而慶焉教康亦請饗義

教許之。己丑義教臨其第。教康盛設雜樂。伏介士數十人於後閭。宴酣發伏。遂弑義教。時變起倉卒。眾皆錯愕。失措。中納言藤原實雅及大內持世等拒戰被創。山名熙貴死之。細川持之。細川持常等皆逃去。教康與父滿祐火其第。奔播磨。建內記先是室町邸中有小人長二寸許。來集燕室。群戲百狀。為猿樂。奏鶉羽。眾就執之。四散不見。人以為怪。及義教遭弑。適奏鶉羽。蓋其兆也。永享記一色義範。土岐持賴之見殺也。天下以為冤。義教屢夢二人為祟。至是臨水。又見二人影。心甚惡之。既而遭害云。却濁發心略記義教子義勝。在伊勢貞經家。辛卯諸將議迎

滿
義勝立之。義勝生八歲矣。○足利直冬孫為僧。在播磨赤松。滿祐奉而立之。更名義尊。移檄諸國聚兵。○秋七月。周防守護大內持世卒于京師。滿祐之亂。持世被創。病亟。遺言我偷生至今日者。欲殄逆賊也。而今奄先朝。露何憾如之。宜速發兵討賊。吾死之後。裹尸瘞埋。勿修葬事也。建內記持世無子。以弟教弘為嗣。系圖○八月乙丑。勅管領細川持之討赤松滿祐。薩戒記細川持常。赤松貞村。武田信賢。進陣須磨。明石。山名特豐。自大山口。進山名熙高山。名教之率。回幡伯耆。兵繼之。遂圍白旗城。急攻之。城中糧盡。不能距戰。九月。遂拔之。斬滿祐傳首。

京師教康逃去是役也細川持常為總督逗撓不進而信賢貞村在後軍以故皆無功貞村已不能死難討賊亦無功議者譏焉義勝賞功賜播磨於持豐美作於熙高備前於教之嘉吉記應仁外記閏月教康奔伊勢國司北畠持康收誅之梟首六條河原建內記如是院年代記持豐自平賊恃功專橫管領不能制建內記○京師盜賊群起稱行德政使所借錢財并子母莫還所質衣物亦不得出錢償縱火抄掠所在紛然建內記略諸國倣行其民乘之作亂文正年代記○二年夏五月皇子成仁生皇記○秋七月管領細川持之卒以畠山持國為管領康富記按尊卑分脈為八

月令從持國剃髮稱德本畠山系圖○九月多武峰大織冠廟震動○冬十月帝患瘡醫下鄉視曰可針也而難犯聖體朝議謂置針博士正為此也遂使下鄉進針疾果愈賜沙金賞之○管領畠山持國置匭函府中受諸國訴訟每月六次與評定眾判決之人以為便○十一月以源義勝為征夷大將軍○三年夏五月高麗遣使來聘管領畠山持國議謂高麗來聘課天下出賦役今將軍幼冲未能視事不得課諸侯賦役宜還其使大外記清原業忠以為高麗通貢其來尚矣今還其使頗失事體然上古遣使貢獻而近世托事聘使來為互市且其

牒狀殊乖舊典宜檢索故事責其無禮却還之乃遣使
諭之使者曰為弔喪來非求互市也遂許來見六月使
者入京師見義勝○地大震康富記○秋七月征夷大將
軍義勝卒足利家傳按家譜曰墜馬而死然贈左大臣
建內弟義政嗣立生八年矣初名義成後更今名○
九月丙寅前大納言藤原有光反犯關帝避亂于左大
臣藤原房嗣第續正統記初有光為院執事及帝嗣
位得罪禁錮既而逃亡薩戒記時南朝皇族為萬壽寺僧
稱金藏主有光擁立之是夜率兵入禁中縱火殺掠有
一賊揮眉尖刀逼御座頓眩而仆帝因得逃行幸房嗣

第賊徒取神璽寶劍而去遂據延曆寺移檄集兵戊辰
遣兵討之誅有光及金藏主賊徒棄寶劍於清水寺後
門僧徒獲而上之唯神璽為賊奪去云續正統記天時
廷臣坐之見誅者甚眾文正年代記帝徙御伏見殿後徙東
洞院宮略記康富記○冬十二月始營宮文正年代記○是歲對
馬島主宗貞盛與朝鮮約互市和漢合運每歲遣船五十隻
若額外遣船謂之特送朝鮮歲給米豆二百石自是交
易不絕海東諸國記○文安元年春三月甲寅京師兩豆○
夏四月壬辰北野社火初西京商人與東京商人相訴
不勝遂結黨據北野社管領遣兵捕之商人縱火鬪苑

殺傷交衆延燒西京○丙午地大震是夜太白鎮星相
犯○六月彗星見○美濃守護土岐持益殺其守護代
戶島關名戶島徒募兵近江入美濃焚垂井殺土岐族四
人○秋七月近江守護六角氏家臣逐其主滿綱○八
月熊野社人奏南朝皇孫二人據紀伊北山集兵○冬
十月贈正四位下清原良賢從三位良賢為後光嚴後
圓融後小松三朝侍讀文學冠世至是特勅贈三位時
人榮之康富○二年春正月六角滿綱與其家臣戰於
近江敗死東寺過○冬十一月關白持基薨以左大臣
藤原房嗣為關白補○是歲義政罷管領畠山持國以

細川勝元代之尊卑○初赤松滿祐之被誅也以村父
滿則死節特宥其孫教政赤松氏之遺臣奉以為主謀
復播磨自前歲屢與山名戰至是教政竟敗死嘉吉外
記○三年春正月以前攝政兼良為太政大臣補○夏
近江大水流瀨田橋代文○秋七月戶島與齋藤戰
于美濃死傷數百人東寺過○四年夏五月初富樫政
親本書作龜幢與族父安高爭加賀守護職屢相戰
細川勝元素助安高政親亦因畠山持國訴之至是分
司其國○六月關白房嗣罷以太政大臣兼良為關白
兼良以請托任之房嗣亦重去職不表辭時人譏之富

記 ○自德政之行，庶民群起作亂，義政遣兵討之。東寺過去
帳 ○冬十一月，尊無品親王貞成曰太上天皇。康富 ○
五年春正月，先是畠山持國遣兵攻紀伊之北山，斬將
圓胤。圓胤初入圓滿院為僧，正後返初服，起兵。至是傳
首京師，廷議梟之。關白兼良以為不可，遣坂上明世大
石惟弘驗視其首。康富記 ○三月，尊所生準三后
源氏曰敷政門院。略 ○夏四月，敷政門院崩。康富 是歲
雨水，人多溺死。東寺過去帳 流五條瀨田二橋。文正年 ○寶
德元年春正月，義政以持氏子成氏為鎌倉管領。成氏
小名永壽王，初持氏二子皆見誅，獨成氏見拘至京師。

居美濃，守護土岐持益邸。至京師以下 越後守護上杉
房定與關東諸將議，請立為關東主。至是，義政從之。二
月，成氏至關東，房定輔翼之。上杉憲實聞之，不自安，與
其子二人往伊豆國清寺，別髮為僧，巡行諸國。大草後
卒于周防。湘山星 憲實好學，其在職也，撫民愛士，大得
人心。其領邑上野，足利有學校，傳言小野篁之所創。歲
久衰廢，憲實繕修之，為置土田以養生徒，又購書籍以
充之。以故生徒日盛。當于戈騷擾之時，藝文掃地而足
利之學校，獨著天下云。
外史氏曰：上杉憲實才略絕人，向使持氏用之，則其

所為必有可觀者也。惜乎持氏暗劣，不能用其計，遂使之激成。既亂，憲實之叛，雖出於窘迫，不獲已之策。然其舉兵據國，何以免不臣之罪哉！然其修黷舍與文學，其功亦不可廢。五代時馮道鏤板五經，天下偉其功，世之論憲實者不以人廢其功可也。

義政使人物色憲實，不獲。其少子龍若尚幼，在伊豆民家。義政使其家臣長尾景仲輔之，居鎌倉山內，改名憲忠，任右京亮，執事職。時上杉顯房居扇谷，太田資漬輔之。於是景仲資漬頗擅威權，時結城成朝里見義實並仕鎌倉，為成氏所親近，以其父皆為上杉氏所殺，怨

之，遂構嫌隙云。大草○夏四月庚申，京師地大震，屋宇

傾倒，八幡山地裂。文正年嵯峨五大尊倒。康富○秋七

月，若狹有老尼來居京師，自言年八百歲，遠近來集觀

者如堵牆。件錄○八月，造多武峰大織冠廟。○是歲

義政罷管領，細川勝元復以畠山持國為之。康富○源

義政拜征夷大將軍。足利○二年夏四月，無良罷大政

大臣。補○秋七月，先是細川勝久殺修驗道士，至是都

鄙道士所在群起，據新熊野，欲奉神輿入京。攻勝久都

下驛，騷勝久誅殺道士者，事稍平。○八月丙子，東方有

流星，長可五丈，光如晝。○贈夢窓國師號曰佛統國師。

康富是歲造四條橋皇紀○三年秋八月先是琉球商人
至兵庫守護細川勝元買物不與直商人許之宮至是
義政遣人按檢之令勝元還所買物○九月初尾張守
護斯波義健逐守護代織田鄉廣義政納女謁欲復鄉
廣職義健不奉命義政母聞之諫義政義政不聽遂遁
嵯峨畠山持國切諫義政從之義政母亦還室町第○
冬十月南都民作亂焚元興寺康富是歲義政遣使于
明國實○享德元年冬十月以前內大臣源清通為太
政大臣補任○奧州衣川有辨慶石傳言辨慶死石上甚
有靈異至是適送京師日件○是歲義政罷管領畠山

持國復以細川勝元代之尊卑○二年春二月太政大
臣清通罷○夏四月關白無良罷以右大臣藤原持通
代之補任○長尾景仲太田資清作亂於鎌倉足利成
氏不奔江島景仲資清追蹙至由井濱千葉胤直小
田持家等擊破之景仲等退還糟谷憲忠素不與謀聞
之太驚亦逃七澤山時憲忠於父重方別髮彌道悅居
駿河來見成氏為分疏之成氏還鎌倉訴事京師義政
遣僧龍西堂和解之於是憲忠亦還鎌倉景仲資清皆
得見釋大草子

外史氏曰長尾景仲上杉氏之謀臣以智略見稱于

世然觀其佐憲忠叛成氏蓋其意欲令之行篡奪也
自是關東大亂既及數世夫戰國權謀之士唯譎詐
之務而不知大義斯亂之所以益長也若景仲者真
可謂傾危之士也

○三年秋七月關白持通罷以左大臣藤原房平為關

白補○八月初畠山持國無子以弟持富為嗣源代系圖細川

政元後生子義就康富記為義夏系遂以為嗣政元任

伊豫守康富持國以隅田佐渡傳義就其子右京亮專

權時神保遊佐以舊臣素執家政與隅田有隙遂樹私

黨欲立持富子政長為嗣家臣多結附之切濁發心畧記細川

勝元素助政長政長竊出匿於勝元家山名持豐亦黨
政長從者皆去持國家匿於持豐家至是義就欲
攻政長為防戰備於是物議沸騰京師繹騷義政令諸
將率兵衛室町邸而勝元持豐不至庚子夜政長兵縱
火近邑攻持國家持國避難從弟義忠家義就臣皆逃
殺義就奔山名教之家教之不內遂投遊佐國助家國助
據長祿翌日火其宅奔伊賀伊賀據應持國移居建仁
寺西來院政長黨遣兵三百於西來院迎持國歸其第
勝元等請令政長嚴家義政許之然惡持豐勝元黨政
長以啓爭端勝元不自安託罪其臣礮具斬之以謝○

冬十一月己酉、義政將誅持豐、名兵部中勝元、固請宥之、持豐亦上書謝罪、於是令持豐退居、但馬康富記、但馬據嘉吉、記、按長祿記、持國養政、長為嗣、後生義就、而廢政、長然、劫、濁發、心略、記、應仁、外記、並以、政長、為義、就弟、且據、本、書、實德、二年、持國、以義、就為、嗣、尋任、伊豫、守、而政、長為、、持國、嗣、在是、歲、相、後、五年、政、長、時、年、十三、據、此、長、祿、記、、不、取、故、、細川成之素與赤松氏善、至是滿祐弟祐之及子則尚、因成之請赦、義政從之、祐之遂起兵播磨、據壇德山、應仁、外記、祐之、則尚、、○甲辰、足利成氏殺其執事、上杉憲忠康富記、初成氏已收長尾景仲等采邑、憲忠、固請不聽、憲忠家臣奪神祠佛寺封戶、分與部下、由是郡邑怨訴不已、成氏命憲忠制止之、憲忠不肯、上杉道

朝長尾昌賢等密往上野、又謀舉兵、結城成朝里見、義實勸成氏先其未發、誅之、至是成氏遣成朝、義實及武田信長等、齎憲忠于西門、第殺之、翌日又遣兵圍山内、縱火攻之、山内兵皆潰走、長尾昌賢與越後守護上杉定昌謀、以憲忠弟房顯為將、招集關東兵、訴成氏之罪於京師、成氏亦遣使告之、義政怒成氏肆殺憲忠、命討之、大草○是歲京師盜賊蠱起、白晝橫行、劫掠市廛、其黨各以隱語為號、曰止湯、曰合沫、曰錢湯、錢湯者各私其所竊、合沫者各分其所竊、止湯者以其所竊與賊魁也、日件、時頻歲凶荒、兵革屢動、民方困窮、正文

年代而將士驕僭衣服無制雖賈豎販夫著綾羅衣紅
記紫天下奢侈之俗極矣續正統記○康正元年春正月成氏
討憲忠餘黨至武藏與上杉憲秋上杉顯房戰于分陪
憲秋等敗走追斬憲秋於池龜顯房於夜瀨大草子上
杉房顯收合散卒保常陸小栗城大草子○三月畠山持
國卒圖○夏四月成氏進至結城遣兵擊破房顯大草子
走下野大草子守宇都宮等綱據城拒守成氏又攻破之
等綱走白河敵兵望風降附聲勢大振大草子○山名持
豐將兵入播磨攻壇德山不克會子是豐在室山為志
松則尚所圍乃往救之則尚兵解圍而逃壇德兵聞之

亦潰則尚走備前自殺祐之走伊勢國司不內亦自殺
由是持豐威震天下遂入京師義政釋而不問應仁外記嘉吉
記○六月義政令駿河守護今川範忠討成氏大草子距
戰敗績遂走古河範忠兵縱火焚鎌倉邸第府庫及名
社古刹焚蕩無遺矣是後關東大亂諸將各據郡邑迭
相攻伐大草子○關白房平羅持通復代之前內大臣藤
原公名為太政大臣補任○持國之死也畠山義忠請召
還義就義政許之
外史氏曰畠山持國既立其弟為嗣而又立其子此
啓爭端者持國也義政宜裁其是非曲直以正典刑

而依違鵬突苟從其請以成其私心此啓亂階者義
政也請嘗論之夫持富既嚴本宗則承嫡統者政長
也而持國舍嫡而立庶義政之從其請固非也方義
就之走也義政使政長嚴本宗既而又召還義就此
非啓亂歟且觀其終始所為黜陟出於喜怒昇沈係
於呼吸是非貿亂皂白顛倒使天下之人不知所適
從自後立義視而又欲立其子竟致應仁之亂宜矣
義就遂還京師劫濁發心略記於是政長不得
在京師遂出奔大和秋八月義就將兵赴大和康富記
內記云政長奔河自是義就日被親近其家與義忠東西

相對義政春時遊二人家飲燕極歡一日過義忠家義
忠子次郎年纔十歲侍宴而歌音節甚妙義政歎賞翌
日義政夫人藤原氏亦來極歡義就以爲義忠將軍之
所重宜乞其子爲嗣賴以固寵遂以次郎爲嗣名義豐
劫濁發心略記○二年秋七月宮成自東洞院徙御焉
皇年代略記○八月太上法皇崩稱後崇光院皇紀法皇
初爲親王爲稱光帝所忌遂薙髮稱道欽嘗著椿葉記
錄崇光以後至上即位皇室喪亂之事以明天命之有
歸椿葉記世以爲實錄○冬十二月初斯波義健早世無
子以其族大野義饒子義敏爲嗣源氏系圖時義敏年

十六其家臣甲斐某專權義敏欲繩之以法由是君臣
有隙至是義敏退居東山陳訴其事劫濁發心略記○是歲義
政遣使朝鮮修鄰好善隣國實記○長祿元年夏六月義政
以澁川義鏡為關東探題義鏡義俊之子也義俊子初據糸圖
成氏走古河武藏相模及上總下總將士多屬之各據
其城邑不從京師令初義鏡曾祖本書作祖今據糸圖義行任武
藏守城巖邑居焉至義鏡世襲封邑為土人所畏服以
故義政委義鏡以鎮撫之職使諸將受其節度以上杉
房顯為管領以討成氏於是上杉持朝城河越太田資
清城巖付太田資長城江戸大草子資長資清之子也少

在

好學善韜略梅花無盡巖結城戰場記附錄○秋七月太政大臣公名
罷補任○成氏城古河自鴻巢徙居焉○冬十二月澁川
義鏡與諸將議曰關東不置主帥無所受令不如奉將
軍子以為主帥諸將以為然請之於京師義政乃以弟
政知為關東公方當時稱將軍為公方政知初為僧在天龍寺至
是命返初服以鎌倉數經兵燹將府為墟且無險要營
館舍於伊豆堀越以居焉大草子○初志松氏遺臣石見
某事前內府藤原實量每稱赤松氏之功歎其絕祀實
量曰何以贖弒逆之罪石見曰神璽今在吉野願取以
奉之實量為奏之帝許之應仁外記乃使同志之士上月滿

吉中村貞友等四十餘人佯降吉野至是滿吉等殺二皇子於吉野山中二皇子南朝之裔而不詳其世次也一據北山一據河野至是悉平上月記○二年春二月義政使斯波義敏自東山還居京師家臣益樹黨相軋義政以其子松丘嚴封義敏遂西奔依大内教弘劫濁發心略記斯波氏臣甲斐朝倉等請以淡川義廉嚴其封文正年代記○秋七月以關白持通為太政大臣大將軍源義政為内大臣職皆如故補任○八月赤松氏遺臣獲神璽於吉野獻之帝下詔赦赤松政則上月記應仁外記○政則年纔五歲初滿祐之死也其弟義雅見擒建内記○系圖云與其

子為僧曰性尊政則即其子也系圖義政分加賀備前伊勢數縣與之上月記○冬十二月關白持通罷左大臣藤原教房代之補任○三年夏六月己巳兩日並見皇年代畧○赤松政則家臣入備前山名教之守兵拒之不納記義政下令受代李瓊日錄持豐素怒政則遭赦計出石見及都人聚觀幸若舞於藤原實量家覘石見歸使人殺之於路外應仁○冬十月政則家臣又入加賀守護富樫政親兵與之拒戰義政令詰政則家臣對以彼來擊不得已應之李瓊日錄○寬正元年春正月己卯朔兩日並出大草○二月地大震時比年水旱加以兵革天下凶荒道

殄相望而義政大營第宅窮極靡麗令四方輦致奇樹
巨石民疲其役帝聞而憂之賦詩賜義政曰殘民爭採
首陽薇處之閉爐鎖竹扉詩興吟酸春二月滿城紅綠
為誰肥義政為之罷役天應代圖○三月捕楠氏族
在吉野者悉殺之四塚日錄○夏六月大旱自三月不
雨至是月如是院○太政大臣持通罷補○秋七月乙
亥朔日有食之既長祿四年記○八月以内大臣源義
政為左大臣征夷職如故補○九月初義政課諸將致
花木植之園中而義就所致適枯義政素信浮屠時方
禁殺而義就放鷹義政聞之大怒逐義就劫濁發義就

遂赴河內保若江城義政使政長討之政長進屯龍田
長祿正記○閏月有貼畫圖於管領門者畫一鐵輪去
其二足唯存一足在棋枰之上蓋其意謂斯波畠山細
川世補管領稱為三職猶鐵輪之有三足今二家已亡
次當及細川也世謂棋枰曰碁槃凡輪直者當其次曰
御番棋槃御番國音相通故也日件○冬十月己卯地
大震長祿四年記○義就罷政長於龍田政長逆戰大破之
義就走保嶽山更城烏帽子像國見山寬弘金胎觀真
觀正四寺以為防禦備政長進入河內十二月屯弘川
與義就相持長祿正記是歲大飢餓葦盈路京師為叢

塚數十所以瘞埋之。如是院○二年春正月，歧長與義就兵戰太子河原，殺傷相當。歧長與義就對壘數月，夏六月，義就部曲須屋正興等六十餘人請義就曰：敵欲持久以疲我，臣等請乘夜襲其不備。義就許之。長興曰：臣等不復生還，願主公為衆舉觴。義就乃勸飲，衆咸奮躍而出，馳至弘川營，縱火攻之。營兵倉黃出戰，神保丹下草賀等勇悍之士三十餘人皆戰死。歧長整陣徐進，擊長興等大敗之。長興等戰死，斬獲百餘人，傳首京師。○三年夏四月，義政命畿內及紀伊勢備前安藝等諸將討義就。時義就分兵守嶽山及金胎寺，及衆軍來

改棄金胎寺，獨保嶽山。長祿正記○秋九月，京師人蓮田兵衛作亂，據七條佛寺。義政命京極武田赤松等諸將討平之。○是歲，伊豫守護河野通春叛，義政遣大内教弘討之。教弘病卒于軍。長祿正記○四年夏四月，關白教房罷。補任○歧長攻嶽山，拔之。義就奔紀伊，歧長引兵追及於粉川，又擊敗之。義就走匿吉野。歧長告捷京師。義政命旋師，歧長乃置戍兵守紀州諸城。冬十月，遂凱旋。長祿正記○是歲，僧等揚還自明。華若木集等揚備中人。按山縣孝孺雷舟傳云：備中志瀆，彌雪舟，又稱揚知賓，初為相國寺僧，通禪學，又善丹青。寬正二年，乘海

白
船適明英宗天為四明天童寺禪班第一座明主名畫
禮部院之壁以是著名居三年至是始歸國書法益進
居筑紫後遊歷四方飄然有塵外之操其作畫也先飲
綠醞半盞吹尺八數聲或唱詩歌箕踞盤礴而後揮毫
及成氣韻生動意溢筆外妙絕天成人莫能測知焉評
者以為神品云梅花無畫藏○五年夏四月義政構看棚於
糺河原觀猿樂三日細川勝元畠山政長斯波義廉各
司供億費用不貲糾河原猿樂記○秋七月庚午帝禪位成仁
親王在位三十六年紹運錄改元者八曰永享嘉吉文安
寶德亨德康正長祿寬正文明二年十二月崩皇紀壽五

十二謚後文德帝後稱後花園帝續正統記成仁親王立是
為後土御門天皇



